

բայրներս սաստիկ զբաղուած են լինում իրենց
գաշտային գործերով, մտել էին մեր այգին մի
քանի թուրքեր, կերել էին հասած ամեն տեսակ
պտուղներից, վերցրել էին իրանց ճանապարհին
ուտելու համար ահագին պաշար և ապա պարարտ
գառան յետևի ոտքը կտրել, խորոված արել, կե-
րել էին և յետոյ հանդարտ խղճով հեռացել էին՝
թողնելով խեղճ գառան արիւնաթաթախ և սոս-
կալի տանձանքների մէջ, որի սարսափելի ցըն-
ցումներն ու աղիողորմ ազաղակները՝ կոշտ ու
կոպիտ թուրքերի քարացած սրտերին և վայրե-
նի հոգուն մեծ ուրախութիւն և խնդութիւն է
պատճառած եղել, ինչպէս յետոյ ականատես ե-
րեխաները պատմեցին ինձ:

Թիւրքիայի տխրահռչակ ենիչէրիներից և
անխիղճ բաշիրուզուկներից և կիսավայրենի չեր-
քէզներից ու անգութ քիւրդերից ոչինչով պակաս
չեն Ուտիացոց երկրի Հայ մահմեդականները ի-
րենց անսահման մոլեռանդութեամբ և անզուսպ
բարբարոսութեամբ: Խաղաղ, չափազանց աշխա-
տասէր և երկրագործութեան սիրահար ժողովրդի
ամբողջ տարուայ թափած դառն քրտնքի արդար
վաստակը, մէկ էլ կտեսնէք, որ միքանի ժամուան
մէջ հող ու մոխիր է դառնում, որով ամբողջ եր-
կիրը քայքայւում է տնտեսապէս և ընկնում
դժբախտ վիճակի մէջ: Վերջին 25—30 տարուան
ընթացքում, համարձակ կարելի է ասել, որ հէնց
միմիայն Զոռու և Միրզաբէկու իրար կից 100
տնից բաղկացած գիւղերում, խոտի, հացահա-
տիկների հարիւրաւոր և հազարաւոր գէգեր,